

續修四庫全書

《續修四庫全書》編纂委員會編

續修四庫全書

上海古籍出版社

一六一三・集部・總集類

唐音統籤一千三十三卷（卷七十九至卷一百九十五）

〔明〕胡震亨輯

.....

乙籤九十三張九齡之二 唐音統籤卷七十九

五言古詩

在郡秋懷二首

秋風入前林蕭瑟鳴高一作寒枝寂寞遊子思寤歎

何人知宦成名不立志在歲已馳五十而無聞古

人深所疵平生去外飾直道如不羈未得操割効

忽復寒暑移物情有固然身退毀亦隨悠悠滄江

渚望望白雲涯露下霜且降澤中草離披蘭艾若

不分安用馨香爲

庭蕪生白露歲候感遐心策蹇慙遠途巢枝思故

唐音統籤 卷七十九

林小人恐致寇終日如臨深魚鳥好自逸池籠安

所欽挂冠東都門採蕨南山岑議道誠愧昔覽分

還愜今慙然憂成老空爾白頭吟

荊州作二首

先達志其大求意不約文士伸在知已已况仕於

君微誠夙所尚細故不足云時來忽易失事往良

難分顧念凡近姿焉欲殊常勳亦以行則是豈必

素有聞千慮且猶失萬緒何其紛進士苟非黨免

相安得羣衆口金可鑠孤心絲共勞意忠仗朋信

語勇同敗軍古劍徒有氣幽蘭祇自薰高秋向所

忝於義如浮雲

千載一遭遇往賢所至難問余奚爲者無階忽上

擗明聖不世出眞亮非苟安崇高自有配孤陋何

足千遇恩一時來竊位三歲寒誰謂誠不盡知窮

力亦殫雖至負乘寇初無挾術鑽浩蕩出江湖翻

覆如波瀾心傷不材樹自念獨飛翰狗義在匹夫

報恩猶一餐况乃山海澤效無毫髮端內訟已慙

沮積毀今摧殘胡爲復惕息傷鳥畏虛彈

郡舍南有園畦雜樹聊以永日

爲郡久無補越鄉空復深苟能秉素節安用叨華

唐音統籤 卷七十九

簪却步園畦裏追吾野逸心形骸拘俗吏光景賴

閑林內訟誠知止外言猶匪忱成蹊謝李逕衛足

感葵陰榮達豈不偉孤生非所任江城何寂歷秋

樹亦蕭森下有北流水上有南飛禽我願從歸翼

無然坐自沈

登郡城南樓

閉閣幸無事登樓聊永日雲霞千里開洲渚萬形

出澹澹澄江浸飛飛度鳥疾邑人半艫艦津樹多

楓橋感別時已屢憑眺情非一遠懷不我同孤興

與誰悉平生本單緒邂逅承優秩謬忝爲邦寄多

慙理人術駕鉛雖自勉倉廩素非實陳力儻無効
謝病從芝朮

秋晚登樓望南江入始興郡路

潦收沙衍出霜降天宇晶伏檻一長眺津途多遠
情思來江山外望盡煙雲生滔滔不自辯役役且
何成我來颯衰鬢孰云飄華纓極馬苦踣踖籠禽
念遐征歲陰向晚晚日夕空屏營物生貴得性身
累由近名內顧覺今是追歎何時平

登荊州城望江

滔滔大江水天地相終始經闕幾世人復歎誰家
唐音統纂 卷七十九 三十三

子東望何悠悠西來晝夜流歲月既如此爲心那
不愁

九月九日登龍山

郡庭常窘束涼野求招曠楚客凜秋時桓公舊臺
上清明風日好歷落江山望極遠何蕭條中留坐
惆悵東彌夏首澗西拒荆門壯夷險雖異時古今
豈殊狀先賢眇一作杏不接故老猶可訪投弔傷昔
人揮斤感前匠自爲本疎散未始忘幽尚際會非
有欲往來是無妄爲邦復多幸去國殊遷放且汎
籬下菊還聆郢中唱灌園亦何爲於陵乃逃相

登古陽雲臺

庭樹日衰颯風霜未云已駕言遣憂思乘興求相
似楚國茲故都蘭臺有餘址傳聞襄王世仍立巫
山祀方此全盛時豈無嬋娟子色荒神女至覓蕩
宮觀啓蔓草今如積朝雲爲誰起

郢城西北有大古塚數十觀其封域多是楚
時諸王而年代久遠不復可識唯直西有樊
妃塚因後人爲植松栢故行路盡知之

蘋藻生南澗蕙蘭秀中林嘉名有所在芳氣無幽
深楚子初逞志樊妃嘗獻箴能令更擇士非直能
唐音統纂 卷七十九 四 三十九

從禽舊國皆煙滅先王亦莫尋唯傳賢媛隴猶結
後人心牢落山川意蕭疎松栢陰破牆時直上荒
徑或斜侵惠問終不絕風流獨至今千春思窈窕
黃鳥復哀音

忝官二十年盡在內職及爲郡嘗積戀因賦
詩焉

江流去朝宗晝夜茲不舍仲尼在川上子牟存闕
下聖達有由然孰是無心者一郡苟能化百城豈
云寡愛禮誰爲羊戀主吾猶馬感初時不載思禽
翼無假閑宇嘗自閑沈心何用寫攬衣步前庭登

陴臨曠野白水生迢遞清風寄瀟灑願言采芳澤
終朝不盈把

始興南山下有林泉嘗卜居焉荊州卧病有
懷此地

出處各有在何有爲陸沈幸無迫賤事聊可祛迷
襟世路少夷坦孟門未嶮嶽多慙入火術常惕履
冰心一跌不自保萬全焉可尋行行念歸路眇眇
惜光陰浮生如過隙先達已吾箴敢忘丘山施亦
云年病侵力衰在所養時謝良不任但憶舊棲息
願言遂窺臨雲間目孤秀山下面清深蘿葛自爲
唐音統籤 卷七十九 五 三十九 乙
幄風泉何必琴歸此老吾老還當日千金

登南嶽事畢謁司馬道士

將命祈靈嶽廻策詣真士絕跡尋一徑異香聞數
里分庭八桂樹肅客兩童子入室希把袖登牀願
啓齒誘我棄智訣迨茲長生理吸精反自然鍊藥
求不死斯言眇霄漢顧余嬰紛滓相去九牛毛慙
歎知何已

與生公尋幽居處

同方久厭俗相與事遐討及此雲山去宵然巖徑
好疑入武陵源如逢漢陰老清詣欣有得幽閒欵

盈抱我本玉階侍偶訪金仙道茲焉求卜築所過
皆神造歲晚林始敷日晏崖方杲不種緣嶺竹豈
植臨潭草卽途可淹留隨日成黼黻期爲靜者說
曾是終焉保今爲簡書畏祗令歸思浩

與生公遊石廬山

探秘執云遠忘懷復爾同日尋高深意宛是神仙
中躋險構靈室詭制非人功潛洞黝無底殊庭忽
似夢豈如武安鑿自若茅山通造物良有寄嬉遊
迴愜衷猶希咽玉液從此昇雲空咄咄共攜手冷
然且馭風

唐音統籤 卷七十九 六 三十四 乙

剛周判官巡至始興會收秘書少監見貽之
作兼呈耿廣州

惟昔遷樂土迫今已重世陰慶荷先德素風慙後
裔惟茲梓桑泰豈真山川麗于時初自勉揆已無
兼濟壽士多勞力良書啓家蔽一探石室文再擢
金門第旣起南官草復掌西掖制過舉及小人便
蕃在中歲亞司河海秩轉牧江湖遽勿謂符竹輕
但覺肩塵細一麾尚云希十鶴宜求稅心息已如
灰跡牽且爲督忽捧天書委將革海隅弊朝聞循
賦節夕飲蒙瘴瘠義疾耻無勇益憎攻亦銳葵藿

是傾心豺狼何返噬履險甘所受勞賢惡相曳攬
轡但荒服循琰便私第嘉慶始獲申恩華復相繼
無庸我先舉同事君猶滯當推奉使績且結拜親
契更延懷安旨曾是慮危際善謀雖若茲至理焉
可替所仗有神道况承明主惠

和吏部李侍郎見示秋夜望月憶諸侍郎之

什其卒章有前後行之戲因命僕繼作

李侍郎林

甫也其詩云握鏡慚
先照持衡愧後行

清秋發高興涼月復間宵光逐露華滿情因水鏡
搖同持亦所見異路無相招美景向空盡歡言隨

唐音統籤

卷七十九

七

乙

事銷忽聽金華作誠如玉律調南宮尚為後東觀
何其遼名數雖云隔風期幸未遙今來重餘論懷
此更終朝

和黃門盧監望秦始皇陵

秦帝始求仙驪山何遽卜中年既無効茲地所宜

復徒役如雷奔珍怪亦雲蓄黔首無寄命赭衣相

追一作逐人怨神亦怒身死宗遂覆土崩失天下

龍關入幽谷國為項籍屠君同華元戮始握旣由

楚終焚乃因牧上宰議揚賢中阿感恒速一聞過

秦論載懷空行軸

將發還鄉示諸弟

歲陽亦頽止林意日蕭摵云胡當此時緬邁復為
客至愛孰能捨名義來相迫負德良不貲輸誠靡
所惜一木逢厦也塵願山益無力主君恩寧利
客卿壁去去榮歸養慨然歎行役

二弟宰邑南海見羣鴈南飛因成詠以寄

鴻鴈自北來嗷嗷度煙景嘗懷稻梁惠豈憚江山
永小大每相從羽毛當自整雙鳬侶晨泛獨鶴參
宵警為我更南飛因書至梅嶺

題畫山水障

唐音統籤

卷七十九

八

乙

心累猶不盡果為物外牽偶因耳目好復假丹青
妍嘗抱野間意而迫區中緣塵事固已矣秉意終
不遷良工適我願妙墨揮巖泉變化合羣有高深
倅自然置陳北堂上做像南山前靜無戶庭出行
已茲地偏萱草憂可樹合歡忿益獨所因本微物
况乃憑幽筌言象會自泯意色聊自宣對翫有佳
趣使我心渺綿

雜言

奉和聖製瑞雪篇

萬年春三朝日上御明臺旅庭實初瑞雪兮霏微

俄同雲兮蒙密此時騷切陰風生先還金殿有餘
清信宿嬋娟飛雪度能使玉人俱掩嬌皓皓樓前
月初白紛紛陌上塵皆素乍訝驕陽積數旬始知
和氣待迎新匪惟在人利曾是占天意天意豈云
遙雪下不崇朝皇情翫無斁雪委方盈尺草樹紛
早榮京坻宛先積君恩誠謂何歲稔復人和預數
斯箱慶應如此雪多朝見旒兮載悅想簞笠兮農
節倚瑤琴兮或歌續薰風兮瑞雪福浸昌應尤盛
瑞雲年年常感聖願以栢梁作長爲柳花詠

奉和聖製溫泉歌

唐音統籤

卷七十九

九 二七八

乙

有時神物待聖人去後湯還冷來時樹亦春今茲
十月自東歸羽旆逶迤上翠微溫谷蔥蔥佳氣色
離宮奕奕叶光輝臨渭川近天邑浴日溫泉復在
茲羣仙洞府那相及吾君利物心玄澤浸蒼黔漸
清神湯無疾苦薰歌一曲感人深

卷終

乙籤九十三張九齡之三 唐音統籤卷八十

五言律詩

奉和聖製初出洛城

東土淹龍駕西人望翠華山川抵詢物官觀豈爲
家十月廻星一作星廻斗千官捧日一作日捧車洛城無怨
思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京
同後殿函關盡前旌關塞通行看洛陽陌光景麗
天中

唐音統籤

卷八十

一 二六五

乙

奉和聖製次瓊嶽觀

山祇亦望幸雲雨見靈心嶽館逢朝餐關門解宿
陰咸京天上近清渭目邊臨我武因冬狩何言是
卽禽

奉和聖製經孔子舊宅

孔一作正門泰山下不見登封時徒有先王法今爲
明主思恩加萬乘幸禮致一牢祠舊宅千年外光
華空在茲

奉和聖製送李尚書入蜀

眷言感忠義何有聞山川狗節今如此離情空復

然皇心在勤恤德澤委昭宣周月成功後明年或勞還

勅賜寧王池宴

賢王有池館明主賜春遊淑氣林間發恩光水上浮徒慚一作和鼎地終謝巨一作川舟皇澤空如此輕生莫可酬

天津橋東旬宴得歌字韻

清洛象天河東流形勝多朝來逢宴喜春盡却妍和泉鮪歡時躍林鶯醉後一作歌賜恩頻若此爲樂奈人何

唐音統籤 卷八十

上陽水牕旬宴得移字韻

河漢非應到汀洲忽在斯仍逢帝樂下如逐海槎窺春賞時將換皇恩歲不移今朝遊宴所莫比天泉池

折楊柳

纖纖折楊柳持此寄情人一枝何足貴憐是故園春遲景那能久芳菲不及新更愁征戍客容鬢老邊塵

剪綵

姽女矜容色爲花不讓春既爭芳意早誰待物華

眞葉作參差發枝從點綴新自然無限態長在豔陽晨一作人

立春日晨起對積雪

忽對林亭雪瑤華處處開今年迎氣始昨夜伴春廻玉潤廳前竹花繁院裏梅東郊齋祭所應見五神來

戲題春意

一作江南守江林三四春相鳴不及鳥相樂喜關人日守朱絲直年摧華髮新淮陽祗有卧持此度芳辰

唐音統籤 卷八十

秋懷

感情芳時換誰知客思懸憶隨鴻向暖愁學馬思邊留滯機還息紛拏網自牽東南起歸望何處是江天

秋夕望月

清迥江城月流光萬里同所思如夢裏相望在庭中皎潔青苔露蕭條黃葉風含情不得語頻使桂華空

望月懷遠

海上生明月天涯共此時情人怨遙夜竟夕起相

思滅燭情光滿披衣覺露滋不堪盈手贈還寢夢佳期

林亭詠

穿築非求麗幽閒欲寄情偶懷因壤石真意在蓬瀛苔益山文古池添竹氣清從茲果蕭散無事亦無營

林亭寓言

林居逢歲宴遇物使情多蘅茝不時與芬榮奈汝何更憐籬下菊無如松上蘿因依自有命非是隔陽和

唐音統籤

卷八十

四

乙

晨出郡舍林下

晨興步北林蕭散一開襟復見林上月娟娟猶未沈片雲自孤遠叢篠亦清深無事由來貴方知物外心

春江晚景

江林皆秀發雲日復相鮮征路那逢此春一作鄉心益渺然興來祇自得佳處莫能傳薄暮津亭下餘花滿客船

三月三日登龍山

伊川與灞津今日被除人豈似龍山上還同湘水

濱衰顏憂更老淑景望非春襖飲豈吾事聊將偶俗塵

谿行寄王震

山氣朝來爽谿流日向清遠心何處慙聞棹此中行叢桂林間待羣鷗水上迎徒然適我願幽獨爲誰情

與王六履震廣州津亭曉望

明發臨前渚寒一作潮來淨遠空水紋天上碧日氣海邊紅景物紛爲異人情賴此同乘槎一作桴自有適非欲破長風

唐音統籤

卷八十

五

乙

晚霽登王六東閣

試上江樓望初逢山雨晴連空青嶂合向晚白雲生彼美要殊觀蕭條見遠情一作晴情來不可極日暮水流清

三月三日申王園亭宴集

稽亭追往事睢苑勝前聞飛閣凌芳樹華池落綵雲藉草人留酌銜花鳥赴羣向來同賞處惟恨碧林曛

故刑部李尚書荆谷山集會

嘗聞繼老聃身退道彌耽結宇倚青壁疏泉噴碧

潭苔石隨人古煙花寄酒酣山光紛向夕歸興杜城南

旅宿淮陽亭口號

日暮荒亭上悠悠旅思多故鄉臨桂水今夜渺星河暗草霜華發空亭鴈影過興來誰與晤勞者自爲歌

江上使風呈裴宣州耀卿

江路與天連風帆何森然還林浪出沒孤舫鳥聯翩常愛千鈞重深思萬事捐報恩非徇祿還逐買人船

唐音統籤 卷八十

六 卅七 乙

赴使瀧峽

谿路日幽深寒空入兩嶽霜清百丈水風落萬重林夕鳥聯歸翼秋猿斷去心別離多遠思况乃歲方陰

湑陽峽

行舟傍越岑窈窕越谿深水間先秋冷山晴當晝陰重林間五色對壁聳千尋惜此生遐遠誰知造化心

使至廣州

昔年嘗不調茲地亦遄迴本謂雙鳬少何知驅馬

來人非漢使豪郡是越王臺去去雖殊事山川長在哉

初發曲江谿中

谿流清且深松石復陰臨正爾可嘉處胡爲無賞心我由不忍別物亦有緣侵自匪嘗行邁誰能知此音

自彭蠡湖初入江

江岫殊空闊雲煙處處浮上來羣噪鳥中去獨行舟牢落誰相顧逶迤日自愁更將心問影于役復何求

唐音統籤 卷八十

七 卅六 乙

江上

長林何繚繞遠水復悠悠盡日餘無見爲心那不愁憶將親愛別行爲主恩酬感激空如此芳時屢已道

湖口望廬山瀑布泉

萬丈紅一作洪泉落迢迢半紫氣奔飛一作流下雜樹灑落出重雲日照虹蜺似天清風雨聞靈山多秀色空水共氤氲

自豫章南還江上作

歸去南江水磷磷見底清轉逢空闊處聊洗滯留

情浦樹遙如待江鷗近若迎津途別有趣况乃濯
吾纓

未陽谿夜行

乘夕棹歸舟緣源路轉幽月明看嶺樹風靜聽谿
流嵐氣船間入霜華衣上浮猿聲雖此夜不是別
家愁

初入湘中有喜

征鞍窮郢路歸棹入湘流望鳥嗟貧病聞猿亦罷
愁兩邊楓作岸數處橘爲洲却記從來意一作憶翻
疑夢裏遊

唐音統籤

卷八十

八 三六 乙

自湘水南行

落日催行舫逶迤洲渚間雖云有物役乘此更休
閒暝色生前浦清暉發近山中流澹容與唯愛鳥
飛還

使還湘水

歸舟宛何處正值楚江平夕逗煙村宿朝緣浦樹
行于役已彌歲言旋今愜情鄉郊尚千里流目夏
雲生

初發道中寄遠

日夜鄉山遠秋風復此時舊聞胡馬思今聽楚猿

悲念別朝昏苦懷歸歲月遲壯圖空不息常恐髮
如絲

道逢北使題贈京邑親知

征驂稍靡靡去國方遲遲路遠南登岸情搖北上
旗故人憐別日旅鴈逐歸時歲宴無芳草將何寄
所思

將至岳陽有懷趙二

湘岸一作多深林青冥晝結陰獨無謝客賞况復
賈生心草色雖云發天光或未臨江潭非所遇爲
爾白頭吟

唐音統籤

卷八十

九 三六 乙

和姚令公從幸溫湯喜雪

萬乘飛黃馬千金狐白裘正逢銀霰積如向玉京
遊瑞色鋪馳道花文拂綵旒還聞吉甫頌不共郢
歌儔

和崔黃門寓直夜聽蟬之作

蟬嘶玉樹枝向夕惠風吹幸入連宵聽應緣飲露
知思深秋欲近聲靜夜相宜不是黃金飾清香徒
爾爲

酬王六霽後書懷見示

雲雨俱行罷江天已洞開炎氛霽後滅邊緒望中

來作驥君垂耳為魚我曝鰓更憐湘水賦還是各陽才

酬王六寒朝見詩

賈生流寓日楊子寂寥時在物多相背唯君獨此思漁為江上曲雪作郢中詞忽枉兼金訊長懷伐木詩

和王司馬折梅寄京邑昆弟

離別念同嬉分榮欲共持獨攀南國樹遙寄北風時林惜迎春早花愁去日遲還一作聞折梅處更有棣華詩

唐音統籤 卷八十

在洪州答綦母學士

旬雨不愆期由來自若時爾無言郡政吾豈欲天欺常念消塵益惟歡草樹滋課成非所擬人望在東菑

和韋尚書答梓州兄南亭宴集

棠棣閒餘興烏衣有舊遊門前杜成陌池上曲江流暇日常繁會清風詠阻修始知西峙嶽同氣此相求陸平原贈弟有子為東詩舊之句

贈澧陽韋明府

百鍊刃堪一作能斷七重岸誰開太阿匣持割

武城雞竟與尚書佩選應天子題何時遇操制一作柄宰當使玉如泥

初秋憶金均兩弟

江渚秋風至他鄉離別心孤雲愁自遠一葉感何深憂喜嘗同城飛鳴忽異林青山西北望堪作白頭吟

餞陳學士還江南同用徵字

荷條旋江澳銜杯餞霸陵別前林鳥息歸處海煙凝風土鄉情接雲山客念憑聖朝巖穴選應待鶴書徵

唐音統籤 卷八十

郡南江上別孫侍御翹

雲嶂天涯盡川途海縣窮何言此地僻忽與故人同身負邦君弩情紆御史驄王程不我駐離思逐秋風

東湖臨泛餞王司馬

南上秋雖半東吳草未黃聊乘風日好來汎芰荷香蘭棹無勞速菱歌不厭長忽懷京洛去難與共清光

餞王司馬入計同用洲字

元寮行上計舉餞出林丘忽望題輿遠空思解榻

遊別筵鋪柳岸征棹倚蘆洲獨歎湘江水
北流

通化門外送別

屢別容華改長愁意緒微義將私愛隔情與故人
歸薄宦無時賞勞生有事機離魂今夕夢先繞舊
林飛

送使廣州

家在湘源住君今海嶠行經過正中道相送倍爲
情心逐書郵去形隨世網嬰因聲謝遠別緣義不
緣名

唐音統籤

卷八十

十二 三六 乙

送廣州周判官

海郡雄蠻落津亭壯越臺城隅百雉映水曲萬家
開里樹枕榔出時禽翡翠來觀風猶未盡早晚使
車迴

送楊府李功曹

平生屬良友結綬望光祿何知人事拙相與宦情
非別路穿林盡征帆際海歸居然已多意况復兩
鄉違

送蘇主簿赴偃師

我與文雄別胡然邑使歸賢人安下位鷺鳥欲卑

飛激節輕華冕移官徇綠衣美君行樂處從此拜
庭闈

送宛句趙少府

解巾行作使樽酒謝離居脩竹含清景華池澹碧
虛地將幽興愜人與舊遊疎林下紛相送多逢長
者車

送韋城李少府

送客南昌尉離亭西候春野花看欲盡林鳥聽猶
新別酒青門路歸軒白馬津相知無遠近萬里尚
爲鄰

唐音統籤

卷八十

十三 三五 乙

送楊道士往天台

鬼谷還成道天台去學仙行應松子化留與世人
傳此地煙波遠何時羽駕旋當須一把袂城郭共
依然

餞濟陰梁明府各探一物得荷葉

荷葉生幽渚芳華信在茲朝朝空此地采采欲因
誰但恐星霜改還將蒲稗哀懷君美人別聊以
贈心期

送姚評事入蜀各賦一物得卜肆

蜀嚴化已久沈冥空所思嘗聞賣卜處猶憶下簾

時驅傳應經此懷賢儻問之歸來說往事歷歷偶
心期

送寶校書見餞得雲中辨江樹

江水天連色無涯淨野氛微明岸傍樹凌亂渚前
雲舉棹形徐一作隨轉登艫意漸分渺茫從此去空

復惜離羣

故刑部李尚書挽詞三首

仙宗出趙北相業起山東明德嘗為禮嘉謀屢作
忠論經白虎殿獻賦甘泉宮與善今何在蒼生望
已空

唐音統籤 卷八十

十四 二七六 乙

宿昔三台踐榮華駟馬歸印從青瑣拜翰入紫宸
揮題劔恩方重藏丹事已非龍門不可望感激涕
沾衣

永歎常山寶沈埋京兆阡同盟會五月華表記千
年渺漫野中草微茫空裏煙共悲人事絕唯對杜

陵田

故徐州刺史贈吏部侍郎蘇公挽歌詞三首

韋玄方繼相荀爽復齊名在貴兼天爵能賢一作言
出世卿學聞金馬詔一作縱神見玉人清藏壑今如

此為山遂不成

相如只謝病子敬忽云亡豈悟瑤臺雪分影玉樹
行清規留草議故事在封章本謂山公啓而今歿
始揚

返葬長安陌秋風蕭鼓悲奈何相送者不是平生
時寒影催年急哀歌助挽遲寧知建旗罷丹旄向

京師

眉州康司馬挽歌詞

家受專門學人稱入室賢劉楨徒有氣管輅獨無
年謫去長沙國魂歸京兆阡從茲匣中劔埋沒罷
衝天

唐音統籤 卷八十

十五 二七二 乙

故榮陽君蘇氏挽歌詞三首

門緒公侯列嬪風詩禮行松蘿方有寄桃李忽無
成劔去雙龍別離哀九鳳鳴何言嶧山樹還似半
心生

永歎芳魂斷行看草露滋二宗榮盛日千古別離
時竟罷生芻一作齊贈空留畫扇悲容車候曉發何

歲是歸期

編服紛相送玄扃翳不開更悲泉火滅徒見柳車
迴舊室容衣莫新坐拱樹栽惟應月照簾潘岳此

時哀

庭梅詠

芳意何能早孤榮亦自危更憐花蒂弱不受歲寒
移朝雪那相妬陰風已屢吹馨香雖尚爾飄蕩復
誰知

和黃門盧侍郎詠竹

清切紫庭垂葳蕤防露枝色無玄月變聲有惠風
吹高節人相重虛心世所知鳳凰佳可食一去二
來儀

蘇侍郎紫微庭各賦一物得芍藥

仙禁生紅藥微芳不自持幸因清切地還遇豔陽

唐音統籤

卷八十

十六

二六三

乙

時名見桐君籙香聞鄭國詩孤根若可用非直愛

華滋

園中時蔬盡皆鋤理惟秋蘭數本委而不顧

彼雖一物有足悲者遂賦二章

場藿已成歲園葵亦向陽蘭時獨不偶露節漸無
芳旨異菁爲蓄甘非蔗有漿人多利一飽誰復惜
馨香

幸得不鋤去孤苗守舊根無心羨旨蓄豈欲近名

園遇賞寧充佩爲生莫礙門幽林芳意在非是爲

人論

詠燕

紀事云九齡爲相與李林甫同列林甫
陰欲中傷之屢陳九齡頗懷謙詞十時
方欲帝命高力士持白團扇以賜將寄意
焉九齡惶恐因作賦以獻又爲燕詩以貽
林甫云云林甫覽之
知其必退志怒少解

海燕何微眇乘春亦暫來豈知泥滓賤祇見玉堂
開繡戶時雙入華軒日幾迴無心與物競鷹隼莫
相猜

答陳拾遺贈竹簪

與君嘗此志因物復知心遺我鍾龍節非無玳瑁
簪幽素宜相重雕華豈所任爲君安首飾懷此代
兼金

唐音統籤

卷八十

十七

二六三

乙

聽箏

端居正無緒那復發秦箏纖指傳新意繁絃起怨
情悠揚思欲絕掩抑態還生豈是聲能感人心自
不平

乙籤九十三張九齡之四 唐音統籤卷八十一

五言排律一

奉和聖製南郊禮畢酬宴

配天昭聖業，率土慶輝光。
春發三條路，禮開百戲場。
流恩均庶品，縱觀聚康莊。
妙舞來平樂，新聲出建章。
分曹日抱戴，赴節鳳歸昌。
幸奏承雲樂，同瞻湛露陽。
氣和皆有感，澤厚自無疆。
飽德君臣醉，連歌奏柏梁。

奉和聖製登封禮畢洛城酬宴

大君卑能事，端展樂成功。
運與千齡合，歡將萬國同。
唐音統籤 卷八十一 一九三 乙

同漢酺歌聖酒，韶樂舞薰風。
河洛榮光遍，雲煙喜氣通。
春華頓覺早，天澤倍知崇。
草木皆沾被，猶言不在躬。

恩賜樂遊園宴應制

寶筵延厚一作錫，命供帳序羣。
公形勝宜春，接威儀建禮。
同睎陽人似露，解慍物從風。
朝慶千齡始，年華二月中。
輝光遍草木，和氣發絲桐。
歲歲無爲化，寧知樂九功。

奉和聖製早渡蒲津關

魏武中流處，軒皇問道迴。
長堤春樹發，高掌曙雲開。

開龍負王舟，渡人占仙氣。
來河津會日月，天仗役風雷。
東顧重關盡，西馳萬國陪。
還聞股肱郡，元首詠康哉。

奉和聖製二相南出雀鼠谷

設險諸侯地，承平聖主巡。
東君朝二月，南旆擁三辰。
寒出重關盡，年隨行漏新。
瑞雲叢捧日，芳樹曲迎春。
舞詠先馳道，恩華及從臣。
汾川花鳥意，併奉屬車塵。

奉和聖製途經華山

萬乘華山下，千巖雲漢中。
靈居雖宿密，睿覽忽玄同。
唐音統籤 卷八十一 一九三 乙

同日月臨高掌，神仙仰大風。
攢峯勢岌岌，翊輦氣雄雄。
揆物知幽贊，銘勛表聖衷。
會應陪玉檢，來此告成功。

奉和聖製早登太行山率爾言志

直月攝提貞，乘時我后征。
晨嚴九折度，暮戒六軍行。
日御馳中道，風師卷太清。
戈鋌林表出，組練雪間明。
動植希皇豫，高深奉睿情。
陪遊七聖列，望幸百神迎。
氣色煙猶喜，恩光草尚榮。
之罘稱萬歲，今此復同聲。

奉和聖製經河上公廟